


TEZAUUR LITURGIC

15 IUNIE

ACATISTUL SF. CUVIOS IERONIM DE LA STRIDON



MOSCOVA, 2000



Акафист святому преподобному и богоносному отцу нашему Иерониму

Кондак 1

Избранный служителю Воплотившегося Слова,
преславный угодниче Христа Вседержителя,
воеводо воинов духовных, наставниче
богомудрый, отче наш Иерониме преподобне,
священныя писания на наречие латинское
переложивый, подвизавыйся в пустынях
преусердно и стяжавый ко Господу Иисусу
дерзновение велие, от всяких нас бед, скорбей и
страстей свободи благоприятными твоими
молитвами, да славяще тя, заступника нашего, с
надеждою и любовью воспеваем ти сице:
Радуйся, преподобне отче наш Иерониме,
любвию ко Господу Иисусу сердца наши
наполняющий!

Икос 1

Ангелом небесным нравом подобен был еси на
земли, отче наш Иерониме, яко от младости
пренебрегши земная блага, Небесныя богатства
собрал еси, ум в Небесная вперяя, слыша
Всещедраго Бога глас: "Ищите же прежде

Царствия Божия и правды Его, и сия вся приложатся вам", темже в тя вселися Пресвятый Дух, Его же тя обителищем быти уведевши, со умилением взываем ти сице:

Радуйся, яко твоим предстательством жизни вечныя нас сподобляй.

Радуйся, Светом Христовым просвещенный;

Радуйся, премудростию Божией умудренный.

Радуйся, за вся людие, добрыя и злыя, молитву проливаяй,

Радуйся, милости Божия к ним призываяй,

Радуйся, благодарити Творца ны научаяй;

Радуйся, преподобне отче наш Иерониме, любовь ко Господу Иисусу сердца наши наполняющий!

Кондак 2

Видяще взором духовным, яко век, иже на земли, преходящ есть, век же он, яко непреходящий возлюбил еси; сего ради еще юн сый телом, прехвальный Иерониме, и млад летами, обаче велик и силен пред Богом и человеки был еси, яко яко в преподобии и правде подвизался еси, Иисусу Сладчайшему воспевая умилено: Аллилуйя!

Икос 2

Разум недоразумеваемый о несозданном Божестве постигл еси, святыи Иерониме, и

положил еси в сердце твоём обратиться ко Христу и последовати Ему, разум же твой премудростию книжною, риторским искусством и учениями святоотеческими во граде преславнем Риме пребывая напитал еси, да всеми дары духовныма твоима послужиши Спасителю возлюбленному Твоему. Тем же мы, чудящиеся о скором твоём на лучшая преложению, дерзаем восхваляти тя таковыми гласы:

Радуйся, добрая отрасли родителей благочестивых;

Радуйся, в юности ещё сад Христу в сердце своём насадивый.

Радуйся, земле благая, приявшая семя небеснаго учения;

Радуйся, свыше удостоивыйся Божественнаго просвещения

Радуйся, молитвами твоими нас ограждающий.

Радуйся, свете, плавающих в житейском мори освещающий;

Радуйся, преподобне отче наш Иерониме, любовью ко Господу Иисусу сердца наши наполняющий!

Кондак 3

Сила Божественная любви, ею же измлада исполнено бысть сердце твоё, богомудрый Иерониме, толико укрепи тя в подвизех, яко

возложь руку твою на рало, никакоже вспять обратился еси, желая во еже Христу житие твое всецело посвятити, к Нему, изучая Писания и молитвы неустанное творя, духом выну возносился еси, отче святой. Светом же богоразумия твоего и нас озари, да вопием купно с тобою Иисусу Сладчайшему: Аллуиа!

Икос 3

Имея всецелое желание иго Христова на себе носить и во след Иисусу Сладчайшему следовати, трудное монашеское житие подъял еси, богоразумия крилами украшаем; легко прелетел еси вся вражия сети, тем и в Небесный чертог со славою вшел еси, богомудре Иерониме; мы же, дивящиеся высоте твоего добродетельного жительства, умильно вопием ти сице.

Радуйся, ангельскаго жития подражателю.

Радуйся, древних отец жития последователю.

Радуйся, невидимых врагов мужественный победителю.

Радуйся, заповедей Божиих усердный исполнителю.

Радуйся, реко, наводненная водою Божия благодати.

Радуйся, разумение Божественных писаний сподобивыйся прияти.

Радуйся, преподобне отче наш Иерониме,

любовию ко Господу Иисусу сердца наши
наполняющий!

Кондак 4

Буря страстей и треволнений житейских не
возможе поколебати тя, преблаженне отче
Иерониме, обаче научи благоискусно искати
пристанище спасения твердое: темже сугубо
возсия в души твоей нетленная красота
безстрастия, угодная вседетелю Богу, Ему же
воспевал еси: Алилуиа!

Икос 4

Слышавше, яко христиане многие желают в
вере спасительней возрастати, труды велия
подъял еси, богоносне Иерониме, яко переложил
еси книзи Ветхаго и Новаго Заветов на наречие
латинское, да ведают вси об учении и заповедех
Господних и свято исполняют вся, яже завеща
нам Спаситель. Любовию же к Иисусу
Сладчайшему движимый и своими словеси,
проповеди и книзи богомудрыми просветил еси
людие многия, писания бо твоя во всех градах и
весех до ныне вопиют немолчным благовестием.
Сего ради мы, чада твоя духовныя, с любовию
глаголем ти:

Радуйся, к регулярному чтению Библии нас
призывающий;

Радуйся, светом Слова Божия разум наш

просвещающий;
Радуйся, глаголы святые в сердце хранить
научающий;
Радуйся, заповеди Спасовы в житии воплощать
ны сподвигающий;
Радуйся, заботиться о духовном блазе ближних
призывающий;
Радуйся, отче благосерде, милость всем
безмездно творящий;
Радуйся, преподобне отче наш Иерониме,
любвию ко Господу Иисусу сердца наши
наполняющий!

Кондак 5

Боготечный, аки древле звезда, ко Христови
приведением мудрецы от Восток просветившая,
ко святыням Иерусалима земнаго устремился
еси, дабы в любви ко Иисусу Сладчайшему
возрасти, отче наш Иерониме. Мы же ныне
просим тя: сподоби и ны в сокровенных храмах
сердец воздвигнути духовныя престолы
Спасителю, муки и смерть за ны претепевшему,
и да сподобимся с тобою купно Милосердному
Господу во веки воспевати: Аллилуйя!

Икос 5

Видя тя пастыреначальник Христос служения
же истинно христианскаго усердна исполнителя,
постави Тя яко светильника света на свещнице

церковней, аки богомудраго советчика
архипастыря изрядна церкви Римския, яко да
пасеши словесныя овцы на пажитех злчных и
от ересей пагубных их избавляеши. Сего ради
мы, многогрешные, просим тя: помози нам волю
Божію, благу и совершенную раузумети и и за
вся Творца настави благодарити, да зовем ти
сице:

Радуйся, боголюбче, еще на земли созерцавый
Свет Небесный;

Радуйся, ради онаго избравый путь тяжкий и
тесный;

Радуйся, почитающим святую память твою
Небесный покровителю;

Радуйся, в горния обители нам путеводителю;

Радуйся, вестниче любви Божіа, к примирению
с Господом всех призываяй;

Радуйся, подвигом веры в любви к Нему нас
укрепляяй;

Радуйся, преподобне отче наш Иерониме,
любвию ко Господу Иисусу сердца наши
наполняющий!

Кондак 6

Проповедника учения Христова чтим тя, отче
Иерониме, яко Преподобнаго постника и
священна учителя, благочестия поборника
теплейшаго, писаний изъяснителя
вдохновеннаго, исповедника же паче адаманта

твердейша и любви Божественныя таинника известна, присно молящего пред престолм Святыя Троицы за ны грешные, вопиющия о тебе Господеви : Аллилуйя!

Икос 6

Возсиял еси, святой отче Иерониме, не токмо велиею мудростию твоею, паче скорбей и тягот терпением, яже стяжал еси, взирающе на Начальника веры Господа Иисуса. Темже и святая Церковь достойно почитает подвиги твоя, имиже трудися, подражающе терпению и любви Матере Господа, призывающе всех на благоугождение Богу и на делание духовное со усердием, да вси последующии зовем тебе сице: Радуйся, нищету духа и телесе возлюбивый. Радуйся, воздержание чудное явивый. Радуйся, боголепнаго самоуничижения и самоукорения взыскавый. Радуйся, невозмущаемое безмолвие стяжавый. Радуйся, чувств простую пятерицу богомыслием просветивый. Радуйся, селение Духа, а не ктому селение греха себе показавый. Радуйся, преподобне отче наш Иерониме, любовью ко Господу Иисусу сердца наши наполняющий!

Кондак 7

Хотение имел еси, преподобне отче наш Иерониме, в безмолвии ненарушимом работати Спасителю: сего ради удалися еси в пустыню на, на место безмолвное и удаленное от жилищ человеческих, идеже в подвизех отшельнических добре подвизался еси, Обаче, отче любвеобильне, содержа во уме слово Господне: грядущаго ко мне не изжену вон, никогоже отринул еси, от приходивших к тебе, за вся благодаря Христа и воспевая Ему: Аллилуйя!

Икос 7

Новаго тя наставника монашествующих и мирян благоговейных богопросвещенного наставника разумеем тя, отче святой Иерониме: пройде бо о тебе слава повсюду, и мнози приходяду к тебе благословения ради и молитвы, и слышания ради душеспасительных словес, инии же и сожителствовать с тобою желающе: ты же всех принимал еси с любовью, и поучал еси их от Божественнаго Писания, еже творити заповеди Господни, хранить чистоту телесную и имети любовь нелицемерную друг ко другу. Темже благодарственно вопием ти: Радуйся, непостижимую действующую в тебе силу Божию явивый; Радуйся, Христов лик присно во уме твоём предносивый;

Радуйся, многострадальнаго о Христе жития
благий образ явивый;
Радуйся, ученики твоя неленостно в житии
назидавый;
Радуйся, Христовы словесныя овцы ко спасению
подвизаяй;
Радуйся, нерадивыя от сна греховнаго
возбуждаяй;
Радуйся, преподобне отче наш Иерониме,
любовию ко Господу Иисусу сердца наши
наполняющий!

Кондак 8

Странствия земная совершая, многих в
преподобнеческом житии утвердил еси,
преподобне отче наш Иерониме, духовных чад
твоих назидавая во христоугодных добродетелех
возрастати. Сему же и нас настави, да возлюбим
и мы, паче всего земнаго Иисуса Сладчайшаго и
возможем Ему с тобою купно во веки воспевати
: Аллилуйя!

Икос 8

Все упование возложив на промысл Божий и,
пустынниче святой, Предтече Христову
подобяся, яко птица небесная попечением
малым о телесе твоём тщался еси, паче же
воздержанием многим дух твой укрепив,
красоту исправлений твоих верным уяснил еси,

темже прими от нас сицевая:

Радуйся, узок путь во Царствие небесное
избравый;

Радуйся, пустынночества крест волею
подъявый.

Радуйся, Христа Бога в сердце твоём
вместивый;

Радуйся, имя Его спасительное в уме всегда
носивый.

Радуйся, молитвенную сладость сердцем твоим
познавый;

Радуйся, слез благодатных поток умильный
источивый.

Радуйся, преподобне отче наш Иерониме,
любвию ко Господу Иисусу сердца наши
наполняющий!

Кондак 9

Всякое естество Ангельское удивися великому
свыше тебе дарованию, богоблаженне
Иерониме, ты бо на земли невещественное
житие показал еси, и во плоти, аки безплотен,
явился еси. Сего ради многих чудес творения от
Господа прим чистою и боголюбезною душею
твоею, Того благостию к Небесным причтен еси
силам, в Небесех ныне поеси всесильному Богу:
Аллилуия!

Икос 9

Вития многовещанныя недоумеют како
возможно восславить тя, достойный всякия
славы, пречудне отче наш Иерониме, яко
потщался еси вседушно Превечному Богу
благоугодити, и воистину не вотще потрудися:
премени бо тленная на нетленная, наипаче же
предстояния сподобился у небеснаго Престола
Премилосерднаго Спасителя Нашего, тем же
вопием ти сице:

Радуйся, на земли Пресвятую Троицу присно
славить обыкнувый;

Радуйся, в послушание Богу Отцу себе вдавый.

Радуйся, нищетою своею Богу Сыну
подражавый.

Радуйся, чистоту твою Богу Духу сохранивый.

Радуйся, Святей Троице ныне со ангелы
радостно предстояй.

Радуйся, о спасении нашем присно Святую
Троицу умоляй;

Радуйся, преподобне отче наш Иерониме,
любвию ко Господу Иисусу сердца наши
наполняющий!

Кондак 10

Спасения ради добре подвизался еси,
приснопамятне Иерониме, яко стремясь достичь
совершенства, многие подвиги совершил еси,
богоблаженне, пост, непрестанну молитву,

бдение, слезы, поклоны, изнурение тела, яже привлече на тя благодать Божию. Темже от Господа венец нетления тебе сплетется, егда святую душу твою предал еси в руце Вседержителя, воспевая ангельскую песнь: Аллилуиа!

Икос 10

Стеною молитв твоих, преподобне отче, от всякаго искушения диавольскаго нас огради, да не порадуется враг падениям нашим, от скорбей земных, недугов телесных и тягот житейских свободи ны, помози всем подвижающимся во славу Божию, архипастырей и пресвитеров укрепи в служении их, миряном помози во благочестии возрасти, учащимся и наставником мудрость, преуспеяние и усердие даруй, переводчиком и наречия древняя, славянския, паче же иноземныя изучающим, вспоможение ниспошли, и прими возносимыя ти с надеждою похвалы сия:

Радуйся, древних знаменосных отец усердный ревнителю.

Радуйся, в Небесных селениях ликом оных сопричтенный.

Радуйся, благодати тихое веяние.

Радуйся, прибегавших к тебе помощниче.

Радуйся, наше непостыдное в трудах и служении предстательство.

Радуйся, духовного просвещения светильниче
небосветлый;

Радуйся, преподобне отче наш Иерониме,
любвию ко Господу Иисусу сердца наши
наполняющий!

Кондак 11

Пение благоговейное Богу достойно приносил,
преподобне отче наш, с радостию шел ко Христу
в послушание, ведая яко жизнь zde во плоти
дана для благоугождения Господу и Всещедрый
Владыка духовное преспеяние дарова ти. О сем
благодарным сердцем в веселии пел еси
Создателю своему: Аллилуиа!

Икос 11

Светоподательный светильник Божией
благодати являешися нам, отче преподобне,
Иерониме преславне, во мнозех и предивных
твоих чудесех, яже удостоверяют нас в твоей
святости и близости ко Господу, Емуже
помолися за ны грешныя, усердием сице тебе
зовущия:

Радуйся, утешение в скорбех, унывающая
ободряя.

Радуйся, своею отеческою любовью вся
объемляя.

Радуйся, медоточная уста, горесть скорбей
услаждающая;

Радуйся, живительная роса, в сердцах веру оживляющая.

Радуйся, распри скоро искореняяй.

Радуйся, скорби и болезни безропотно нести научающий.

Радуйся, преподобне отче наш Иерониме, любовью ко Господу Иисусу сердца наши наполняющий!

Кондак 12

Благодать Божия дала ти, богославне отче наш Иерониме, силы высочишия любви к Богу, пробуждая в душе чувство непрестанного стремления к Нему. Господь рече: «Аз любящия мя люблю, ищущия же Мене обрящут благодать». И тоя ради любви ты, достославне, претерпел великия скорби, сокрушение духа, многия слезы, препобедив себе самого. О сем умиляся славословие приносим о тебе Творцу: Аллилуиа!

Икос 12

Поюще твоя преславная чудеса и исцеления, и до днесь тобою являемии всем с верою и любовью к тебе притекающим и ищущим твоего многомогущаго предстательства заступления, хвалим тя вси, яко сосуд благодати, неоскудно точащий любовь и милосердие ко всем христианом, чтущим тя. Ты бо, богоносне отче наш Иерониме, твердую руку помощи твоя

подаеши и грехми присно погружаемых от смертоносных глубин изводиши. Сице просим тя: прочее жития время в покаянии истинном скончати нам помози, с надежою и любовью вопиющим ти ныне:

Радуйся, алавастрe многоцелебный на всяк недуг врачевство содержащий.

Радуйся, маслино благоплодная, елей Божией благодати обильно нам источающая.

Радуйся, воздвизаемых от мира, плоти и диавола искушений ходатайством твоим свободяющий.

Радуйся, нераскаянных грешников к совершенному покаянию побуждающий;

Радуйся, духов лукавых прогонителю и полчищ бесовских победителю.

Радуйся, ран греховных и недуг душевных всеблагий целителю;

Радуйся, преподобне отче наш Иерониме, любовь ко Господу Иисусу сердца наши наполняющий!

Кондак 13

О преподобне и богоносне отче наш Иерониме, прими сие малое, от любящих тя сердец приносимое хваление. Яко имеяй велие ко Господеви дерзновение, молися за ны, и богоприятным твоим ходатайством избави нас от всякаго искушения противника и благоговение ко Слову Божию всели в сердца

наша, да в добродетели и во смирении поживше
сподобимся выну пети Ему со безплотными
песнь великую: Аллилуиа!



ПОЛНЬІЙ АКАФИСТНИК КАНОНИЧЕСКІЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО